

Headline	Najib ucap tahniah		
MediaTitle	Harian Metro		
Date	19 Sep 2013	Color	Black/white
Section	Setempat	Circulation	324,097
Page No	22	Readership	1,981,000
Language	Malay	ArticleSize	65 cm ²
Journalist	N/A	AdValue	RM 1,335
Frequency	Daily	PR Value	RM 4,005



Najib ucap tahniah

Kuala Lumpur: Datuk Seri Najib Razak mengucapkan tahniah kepada Lembaga Tabung Haji berikutan Malaysia dijadikan negara contoh di dunia berkaitan pengurusan jemaah haji.

Perdana Menteri berkata, pengurusan jemaah yang efisien dan teratur menyebabkan negara ini diiktiraf kerajaan Arab Saudi supaya negara Islam lain mencontohi Malaysia.

"Malaysia dijadikan negara contoh atas pengurusan jemaah haji yang efisien dan teratur. Tahniah Lembaga Tabung Haji," kata beliau dalam Tweet terkininya, semalam.

Kelmarin, kerajaan Arab Saudi mahu negara Islam di dunia mencontohi pengurusan jemaah haji oleh Malaysia yang didapati teratur dan baik.

Ketua Rombongan Haji Malaysia Datuk Syed Saleh Syed Abdul Rahman berkata, pujian berkenaan disampaikan Timbalan Menteri Haji Kerajaan Arab Saudi, Hatem Qadhi.

Katanya, Hatem sendiri menaiki bas untuk berjumpa dengan jemaah haji Malaysia dan memuji mereka selain berdoa supaya rakyat Malaysia yang menunaikan ibadat berkenaan memperoleh haji mabrur.